



爽心笑談下集卷之十

陳眉公先生笑選輯

一衲道人屠隆參閱

少延清歡

陶淵明得太守送酒多以春秫水雜投之曰少  
延清歡數日

杜鵑喚歸

石誼未娶聞杜鵑喚歸歎曰此物催人使歸使

我何所歸耶

孫山荅書

孫山應舉綴名榜末朋儕以書問山得失荅曰  
解名盡處是孫山餘人更在孫山外覽者大笑

鄭光辭表

宣宗舅鄭光鎮河中上封其妾爲夫人不受表  
辭曰白屋同愁已失鳳鳴之侶朱門自樂難容  
鳥合之人上笑曰誰教阿舅作此好事

同生戊子

程文惠與龐公同戊子生程已貴龐尚爲小官  
常戲龐曰君乃小戊子也龐後大拜程曰今日  
大戊子都爲小戊子矣

王宰相施設

王及善後爲右相無甚施設惟不許令史輩將  
驢入堂終日驅逐號驅驢宰相

孫丁甲第

王禹偁稱丁謂與孫何可比韓柳既而孫冠多  
士丁登第四自以爲與孫齊名恥居其下臚傳  
之後殿下有言太宗曰甲乙丙丁合居第四復  
何言衆大笑

### 吏部譏警

吏部侍郎李安期隋內史德林之孫安平公百  
藥之子性機警嘗有選人被放訴云羞見來路  
安期間從何關來曰從蒲津關來安期曰取潼

關路去選者曰恥見妻子安期曰賢室本自相  
諳亦應不笑又一選人引銓安期看判曰第書  
稍弱對曰昨墜馬損足安期曰損足何廢好書  
爲讀判曰向看書判非但傷足兼似內損其人  
慙而去

### 偷狗賦

馮京未第時讀書于灤山僧舍僧有犬烹烹之  
僧訴于縣縣命作偷狗賦有警聯云團飯引來

喜掉續貂之尾索絢牽去驚回顧兔之頭令嘆賞

### 秦魏二使善嘲

李茂貞子從儼爲鳳翔節度使因生辰秦鳳持禮使陋而多髯魏博使少年如美婦人魏博戲云今日不幸與水草大王接坐秦鳳曰夫人無多言四座皆笑

### 好色自迷

唐司空圖有詩云昨日流鶯今日蟬起來又是夕陽天六龍飛轡長相窘更忍乘危自着鞭戒以色戕者也楊誠齋善謔嘗謂好色者曰閻羅王未曾相喚子乃自求押到何也

### 省闈齋問

歐文忠公諱修知貢舉省闈故事士子有疑許上請至日午猶有喋喋弗已者過晡稍閑與諸僚方酌酒賦詩士又有扣簾者公出士忽問曰諸

生欲用堯舜字而疑其爲一事或二事惟先生  
教之觀者闕然笑公徐曰似此疑事或恐其誤  
但不必用可也內外又大笑

訴事口給

尚書宗如周有人訴事謂其曾作如州官也乃  
曰某有屈滯故來訴如州官如周曰爾何人敢  
呼我名其人慚謝曰祇言如州官作如州不知  
如州官名如周早知如州官名如周不敢喚如  
州官作如州宗大笑曰令卿自責見侮反深衆  
咸服其雅量

祿山胡習

楊貴妃中酒微露其乳帝捫之曰溫柔新剝雞  
頭肉安祿山在旁曰滑膩凝如塞上酥帝笑曰  
信是胡兒只識酥耳

洛中新聞

王拱辰太師卽洛之道德坊營第甚侈中嘗起

屋三層最上曰朝元閣。時司馬君實亦在洛。于私第穿地深丈餘作密室。邵堯夫見富鄭公諱彌富問洛中有何新事。邵曰近有一巢居者一穴處者遂以二公對富爲發笑。

### 王皓失馬得馬

王皓字季高少立名行性懦緩嘗從文宣北伐乘赤馬且蒙霜氣遂不復識自言失馬虞侯爲求不得須臾日出馬體霜盡繫在幕前方云我

### 馬尚枉

#### 逆風張帆

唐杭州參軍獨孤守忠領租船赴都夜半急追集船人更無他語乃曰逆風必不得張帆衆大哂焉

#### 羲獻自任

王獻之善隸書變王羲之法爲今體字畫秀媚妙絕時倫與父俱得名其章草疎弱殊不及父

有問義之二云。世論卿書不逮獻之。答曰。殊不爾也。他日見獻之問。尊君書何如。獻之不答。又問論者云。君固當不如。獻之笑而答曰。人那得知之也。

### 方池詩

錢昭度詠方池詩云。東道主人。心匠巧。鑿開方石貯。漣漪夜深。若被寒星映。恰似仙翁一局棋。有嘲之者曰。此正謂一局黑全輸也。

### 遙宗雅嘲

有一故相遠派。在姑蘇。因嬉遊書其壁曰。大丞相再從姪孫某至此。後有士人李章好訕謔。題其旁曰。混元皇帝三十七代孫李章繼至。

### 人參澡豆

王介甫病喘。藥用紫團山人參。不可得。時薛師政自河東還。過贈王數兩。不受。人勸曰。公之疾非此不可活。何辭爲。王曰。平生無紫團參。亦活。



到今日。竟不受王面黃黑。問醫。醫曰。此垢汙非疾也。進澡豆。令王頰之。王曰。天生黑。于予。澡豆其如予何。

### 調慳主人

李章赴隣人小集。主人素鄙會。次章適坐其傍。既進饌。主人前一魚。特大于衆客者。章即請于主人曰。某與君俱蘇人。每見人書蘇字。不同其魚。不知合在左邊者。是右邊者。是主人曰。古人作字。不拘一體。移易從便也。章即引手持主人之魚。示衆云。領主人指揮。今日左邊之魚。亦合從便。移過右邊。一座輟飯而笑。

### 魏收嘲屈

徐之才。嘗以劇談調魏收。收熟視之曰。面是小家方相之才。答曰。若爾。便是卿之葬具。

### 也不得諺語

宋時吏部有一胥。好滑稽。有董公邁。參選失去

官誥。但存紙印。遂投狀給據。一日侍郎問其胥曰。此事無碍否。胥曰。朝公大夫董公邁失一官。誥印紙在也。不碍。侍郎覺其謔。侮杖一百。罷之。蓋俗有舞十般癩。云一般癩來一般癩。渾身周了肚皮在也。不碍。如是凡十首。語言相類。故應聲爲戲云。

### 分司御史

杜牧爲御史分司洛陽時。李司徒愿罷鎮。閑居。

聲妓豪侈。洛中名士多謁之。李高會朝客。以杜持憲不敢邀致。杜遣坐客達意願預會。李邀之。旣至。獨坐南行。瞪目注視。問云。聞有紫雲者。孰是。李指之。杜凝睇良久曰。名不虛得。宜以見惠。李俯而笑。諸妓亦回首破顏。杜乃自飲起吟曰。華堂今日綺筵開。誰遣分司御史來。忽發狂言驚滿座。兩行紅粉一時迴。意氣閑逸。旁若無人。

### 衛玠丰姿

衛玠美容儀。驃騎王武子。濟其舅也。見玠輒嘆曰。珠玉在側。覺我形穢。後從豫章至都下。都下人久聞其名。觀者如堵。玠先有羸疾。勝不堪勞。遂病死。時人謂看殺衛玠。

### 謝郎中女

謝郎中有女能詩。長嫁王元甫。元甫調官京師。送別云。此去惟宜早早還。休教重起望夫山。君看湘水祠前竹。豈是男兒淚染斑。

### 償博太守

陳遵祖父遂。官帝微時。與有故。相隨博奕數負。及帝卽位。遂爲太原太守。乃賜璽書曰。太守官尊祿厚。可以償博矣。

### 石裕酒沐

石裕方明。造酒數斛。忽解衣入其中。恣沐浴而出。告子弟曰。吾平生飲酒。恨毛髮未識其味。今日聊以設之。庶無厚薄。

郭文洗花

郭文在山間。有石榴楊梅等花。爲樵牧所傷。郭賣簪沽酒以澆之。人問何故。曰爲二子洗瘡止痛。衆大笑。

鄭泉快飲

鄭泉博學。有奇姿而性嗜酒。閒居嘗曰。願得美酒滿五百斛。船以四時肥甘置兩頭。反覆沒飲之。憊卽在而啖肴膳。酒有升斗減。隨卽益之。不

亦快乎

平康妓

平康妓瑩娘。玉淨花明。尤善梳掠畫眉。日一作樣。康斯立戲之曰。西蜀有十眉圖。汝眉癖。若是可作百眉圖。更假歲年。當邀同志爲修眉史。妓大悅。

季玄酒

西門季玄造二色酒。白酒中有黑花。斟於器中。

因

花亦不散中有肝石故也崔道旅以金銀銅錢來酷曰以我三樣錢買君二色酒欲辭得乎玄笑而與之

### 何佟之潔癖

何佟之字士威一日之中洗滌十餘遍猶恨不足時嘲之曰水淫

### 方棠陵翻天人案

浙省下飛來峰石上佛像是勝國楊蓮僧雕琢

下天竺後壁是王叔明畫剝落處近孫宰子補之方棠陵爲秋官卽慮囚江南見而索筆題曰飛來峰天奇也自楊總統琢之天奇損矣王叔明畫人奇也自孫宰子補之人奇索矣二者乃山中不平之疑案予法官也不翻是案何以服人衆傳以爲笑

### 楊玠盜書

楊玠娶崔季讓女崔家富圖籍玠婚後頗游其

書齋既而告人曰崔氏書為人盜盡曾不之覺  
崔遽令檢之玠叩腹曰已藏經笥矣崔一笑

### 晦堂點悟

黃龍寺晦堂老子嘗問黃山谷以吾無隱乎爾  
之義黃詮釋再三晦堂不荅時暑退涼生秋香  
滿院晦堂因問曰聞木屋香乎黃曰聞晦堂曰  
吾無隱乎爾山谷笑而服

### 張氏雀鼠

張十簡名率嗜酒疎脫忘懷家務在新安道家  
道載米二千斛還吳耗失大半張問其故答曰  
雀鼠耗也張笑曰壯哉雀鼠

### 晉公術數不為動

裴晉公名度不信術數每語人曰雞猪魚蒜逢  
着則喫生老病死時至則行

### 王夷甫不言錢

王夷甫  
遠嘗嫉其婦貪濁口未嘗言錢

字婦  
令婢以錢遶床不得行夷甫晨起  
見錢闕行呼婢曰舉卻阿堵物

岳柱巧詰

岳柱字止所年八歲時觀畫師何澄畫陶母  
髮圖指陶母手中金釧詰之曰有此可易酒何  
用剪髮何驚笑易之

蘇舜卿酒佐

蘇子美名舜欽豪放不羈好飲酒在外遇杜祁  
公家每夕讀書以一斗爲率公歎密視之蘇讀  
漢書張良傳至良與客徂擊秦皇帝深嘆曰惜  
乎擊之不中遂滿引一大白又謂至良曰始臣  
起下邳與上會于留此天以授陛下又撫案曰  
君臣相遇其難如此復舉一大白公笑曰有  
此下酒物一斗不足多也

解學士題道士像

壽春  
象乞解學士題咏解學士賊賊賊

有影無形。事不得見。國偷却呂

仙丹而今反作蓬萊客

### 令掾確對

秦興令胡遙嬖一門子忽見一掾挑之與密言以爲嫌問掾何語掾急遽曰渠是小人表弟語家事宜令即出一對曰表弟非我兄表子汝能對免事掾即應聲丈人是丈母丈夫行笑觸之以酒

### 周公二公詐語

夏八公心靖以工部尚書阻水蘇州上真給事中周六有同事一日偕宿天竺寺周早如廁夏戲曰披衣靴履而行急事急事周即應聲曰棄甲曳兵而走常輸常輸眾大笑

### 宗室子正食不廢禮

宋明帝參知大梁時有宗室子取民間豆腐在房就奏其樂人問之曰殿下



學士應口對

九歲時嘗帶公誥沐浴以

衣覆老樹上命對云千年老樹為衣架矣

萬里長河作浴盤歸見馬行草野命對云黑馬

尾拖銀掃帚對云烏龍項帶三條環父珍愛之

其

六而娶

和寵十再娶

殘生八洞房聚猶秋燕子健亦病

無力山泥不上梁空煩神女

聞而大笑

月吳為枇杷詩

善家適村人獻枇杷

善家適村人獻枇杷

出見

名曰見有實

差莫即云若

能若果 泖城簫管盡開花令

響再

音影

七歲時一日友人

而至解

畫禽獸及甚不樂于是續

之鳳狀

歌

宋卷之上

陳眉公

一衲道人

李文公隱謔

文正公水釣時觴客皆明經諸君酒未半

他皆首辭去公曰今有一題東面 止西事

意諸君思未得

待

油鳳凰跌  
竈笑殺一羣

之吟  
一羣

四舌

相公善謔

目君

八面麻俚語於蘇有鹽豆之語高

河中人作文常用腹俚語可南有

一公相遇高笑嚴曰

嚴

入腹中問

刊

玉闌干諾勝槩

死然

乃命對云金水河

金系柳

魚口解應云玉闌干外玉簪花

頭此八歲時也眾大奇之

神童

神童入朝行不

巾朝

訪

二月三日浴澡。一客過

見以浴

二月六日。公往謁是客。亦辭以浴。

君昔訪我。我沐浴。我今訪君。君亦沐浴。

二月三我今訪君。六月

三月

子浴

支正公於膝

以對

子以父立禮乎。對曰。嫂溺。叔拯

以爲

言確

葉又問不解軍事

金王亮時侵。命葉又問

字審言

視師江上。又曰

言軍旅會劉錡捷書。至讀之。至金

八添

生兵。是何物。聞者

參體

元漆箱。金乾奉。不以寒鼻上。

六。果食遂至盡。既還。金澡盤盛。

瑤盤盛澡。且因倒箸水中而飲。謂是乾。

不掩口而笑之。

支元獻高堂。

又元獻廢產架高堂。堂成而。遂實諫議。

甚好。只是欠二條梁。王人引。去故。云。

不由畫一條。酌量。

明賦詩。

王陽。年十一時。過金山寺。公與客。

酒酣賦詩未成。陽明從旁曰。公山一點大如拳。

打破維揚水底天。醉倚妙高樓上月。玉簫吹徹。

洞龍眠。客入警異。復使賦蔽月山房詩。隨應曰。

近。遠覺月小。便道此山大於月。甚。人有眼。

如天。遠。山小月更濶。客益奇之。

公語

有敬疾甚。令錢塘縣王簿夏榮  
君之。榮曰。使君百無一慮。夫人早須崇福。以禳  
之。崔夫人曰。禳須何物。榮曰。使君娶二姬。以厭  
之。出三年。則厄過矣。夫人怒曰。此獠狂語。見在  
身無病。榮退曰。夫人不信。榮不敢言。使君合有  
三婦。若不更娶。於夫人不祥矣。夫人曰。乍可死。  
七事不相當也。

土地錯配

温州有土地杜十姨無夫。五髭鬚相公無婦。州  
人迎杜十姨以配五髭鬚。合爲一廟。杜十姨爲  
誰。杜拾遺也。五髭鬚爲誰。伍子胥也。若少陵有  
靈。豈不對子胥笑曰。爾尚有相公之稱。我乃爲  
十姨。何雌我耶。

楊大年狎老

楊大年。弱冠與周翰朱昂同。在禁掖。二老時已  
垂然。然  
誦事。則侮之曰。二老翁以爲如何。

勸不化。甚正色謂曰。君莫欺侮我老。老亦終留  
與君。昂曰。莫留與他。免得後人又欺侮他。

### 西字臉

孝皇聖明。亦爲左右者所惑。有一川官得郡。陛  
辭。有宦者奏知。來日有川知州上殿。官家莫要  
笑。壽王問如何不要笑。奏云。外面有一語云。裏  
上。僕頭西字臉。恐官家見了笑。只得先奏。所謂  
知州者。面大而橫潤。故有此語。來日上殿。壽皇  
一見。憶得先語。便笑云。卿所奏不必宣讀。容朕  
寫中自看。愈笑不已。其人出外曰。早來天顏甚  
悅。以某奏劄稱旨。殊不知西字臉。先入之言。所  
以動壽皇之笑也。

### 太古碑

紹興九年。虜歸我河南地。商賈往來。攜長安秦  
漢間碑刻。求售於士大夫。多得善價。故人王錫  
老貧甚。節口腹之奉而事此。一日語共遊。近得

一碑甚奇。及出示。顧無一字可辨。王獨稱賞。不  
已。客曰。此何代碑。王不能答。客曰。某知之。是名  
沒字碑。宜乎公好尚之。篤也。一笑而散。

### 盛丁梅竇

盛文肅公

諱

豐肌大腹而眉目清秀。丁晉公

諱

疎瘦如削。二公並以文辭知名于時。梅學士

諱

每晨起將視事。必焚香兩爐。以公服罩之。擺其

袖以出。坐定撒開兩袖。郁然滿室。濃香有竇文

賓爲館職而不喜修飾。經時未嘗沐浴。特人爲  
之語曰。盛肥。丁瘦。梅香。竇臭。

### 卽事詩

哲宗朝。宗子有好爲詩而鄙俚可笑者。嘗作卽  
事詩云。日煖看三織。風高鬪兩廂。蛙翻白出闊。  
蚓死紫芝長。潑聽琵琶鳳。饅拋接建章。歸來屋  
裏坐。打殺又何妨。或問詩意。答曰。始見三蜘蛛  
織網於簷間。又見二雀鬪於兩廂廊。有死蛙翻



腹似出字。死蚓如之字。方喫潑飯。聞鄰家琵琶作鳳栖梧。食饅餒未畢。閤人報建安章秀才上謁。迎客既歸。見內門上畫鍾馗擊小鬼。故云打死又何妨。

### 相公相婆

王和父守金陵。荆公退居半山。每出跨驢。從二村僕。一日入城。忽遇和父之出。公亟入編戶家避之。老姥自言病痞求藥。公隨行。偶有藥。取以遺之。姥酬以麻線一縷。云相公可將歸。與相婆也。公笑而受之。

### 顏回賈誼

陳和叔爲舉子。通率少檢。後舉制科。驟爲質朴。時號熱熟顏回。時孔仲舉對制策。言天下有可歎息慟哭者。既而被斥。和叔曰。孔生真杜園賈誼也。王平甫聞之曰。杜園賈誼好對。熱熟顏回。

### 王翰林

王平甫學士家幹魁頌。盛夏入館中下馬流汗  
浹衣。劉貢父曰。君真所謂淋學士也。

### 海蛇何以嗜

王敏道食海蛇曰。人何苦嗜之哉。一響而已。

### 錯認老子

弘治中吾郡一豪子。以事官捕之急。竄匿不出。  
官百計索之不能得。或言鄉耆某多智數。官延  
訪之。耆乞屏左右。乃曰。欲得之。須用老子。官曰。

芻

老子已在此矣。耆意蓋用欲取先予之術。官所  
云謂已執其父也。耆曰。不是這箇老子。官曰。正  
是這箇老子。耆又白如前。官終不悟。卽叱之退。  
曰。這蠢物尚謂一人有兩老子。子何智術之有。

### 陳令判老大成婚

陳晟知奉新縣。有王允升老而娶妻徐氏。爲諸  
寵所阻。當夜不成婚。而成訟。晟判曰。兩家老夫  
婦。方結同心。一夜惡姻緣。遽成反目。這場公案。

好入笑林。王允升白髮皤然。自謂力微而心壯。余氏女青春過了。亦須華落而色衰。始焉草草。婚姻終也匆匆。聚散鴛鴦小小。思珍偶輸與少年。鳳凰寥寥不復聞。遂成一夢。

### 檳榔酬報

劉穆之小時家貧。誕節不持檢操。常往妻江氏家乞食。多見侵辱。不以爲恥。一日食畢求檳榔。江氏兄弟戲之曰。檳榔消食。君乃常饑。何忽須此。及穆之爲丹陽尹。召江氏兄弟食。令厨人以金拌檳榔一斛進之。

### 宋之問口過

宋之問天后朝求北門學士不許。作明河篇以見志。則天見其詩。謂崔融曰。非不知宋之問有奇才。但恨有口過耳。宋終身慚憤。口過謂口臭也。

### 崔杜相戲

唐華原令崔思海。口吃。每共表弟杜延業。遞相戲弄。杜嘗語崔云。延業能遣兄作雞鳴。但有所問。兄卽須報。旁人云。他口應須自由。何得遣人驅使。若不肯作。何能遣之。杜卽云。能得。旣而旁人卽共杜私賂。杜將一把穀來崔前。云。此是何物。崔云。穀。穀。旁人大笑。因輸延業。

### 楊衡爲人盜文

楊衡初隱廬山。有盜其文。登第者。衡因詣闕。亦登第。見其人。怒曰。一一鶴聲飛上天。在否。荅曰。此句。知兄最惜。不敢偷。衡曰。猶可。恕也。

### 長髯無安頓處

蔡君謨美鬚髯。一日屬清閑之燕。上顧問曰。卿髯甚美。長夜覆之於衾下乎。將寘之於外乎。君謨無以對。歸舍暮就寢。思聖語。以髯寘之內外。悉不安。一夕不能寢。蓋無心與有心異也。

### 梁趙調謔

唐初梁寶好嘲戲。曾因公行至貝州。憇客館中。閑問貝州佐史云。此州有趙神德。甚能嘲。卽令召之。寶顏甚黑。廳上憑案以待。須臾神德入。兩眼俱赤。至階前。梁寶卽云。趙神德。天上旣無雲。閃電何以無准則。荅云。向者入門來。案後唯見一挺墨。寶又云。官裏料朱砂。半眼供一國。又荅云。磨公小拊指。塗得太社北。寶更無以對。媿謝遣之。

### 幡綽善調文樹

唐安西牙將劉文樹。口辨善奏對。明皇每嘉之。文樹髭生頷下。貌類猴。上令黃幡綽嘲之。文樹切惡猿猴之號。廼密賂幡綽。不言之。幡綽許而進。嘲曰。可憐好箇劉文樹。髭鬚共頰。願別任文樹。面孔不似猢猻。猢猻面孔強似文樹。上知其遺賂。大笑。

### 歸皮相嘲

皮日休謂歸仁紹不遇。作龜詩嘲曰。硬骨殘形。知幾秋。屍骸終不是風流。頑皮死後鑽應徧。都爲平生不出頭。歸亦嘲之云。八片尖皮砌作球。火中浸了水中揉。一團閑氣如常在。惹踢招拳卒未休。

### 守忠滑稽

章聖朝春月多召兩府兩制三館于後苑賞花釣魚賦詩。自元昊叛西陲用兵廢缺甚久。嘉祐

末仁宗修舉

故事時韓魏公

琦爲首相。在宴和

詩。卒章云。曾

二十年前會。今脩台司得再陪。

內侍任守忠

滑稽侍上。從容曰。韓琦譏陛下。

仁宗愕然問

守忠曰。譏陛下。錫宴太頻。上大

笑

### 令夫人疑

亦已

陽伯博任山南

一縣丞。其妻陸氏。名家女也。縣

令婦姓伍。他日

嘗諸官之婦。既相見。縣令婦問

贛府夫人何姓。答曰姓陸。次問主簿夫人答曰姓戚。縣令婦勃然入內。諸夫人不知所以。欲却回。縣令聞之。遽入問其婦。婦曰。贛府婦云姓陸。主簿婦云姓戚。以吾姓伍。故相弄耳。餘官婦賴吾不問。必曰姓八。姓九。令大笑曰。人各有姓。復令其婦出。

### 孫子荆誤語

孫子荆年少時好爲隱語。王武子當枕石漱流。誤曰。漱石枕流。王曰。流可枕。石可漱乎。孫曰。所以枕流。欲洗其耳。所以漱石。欲礪其齒。

### 宋子京雪幕揮毫

宋子京修唐書。嘗一日大雪。添巒幕。然椽燭。左右熾炭。兩巨鑪。諸姬環侍。方磨墨濡毫。以澄心堂紙草一傳。未成。顧諸姬曰。汝輩俱曾在人家。頗見主人如此不。皆曰無有。其間一人來自宗子家。子京曰。汝八尉。遇此天氣。亦復如何。對曰。

只是擁鑪命歌舞。間以雜劇引滿大醉而已。如  
何比得內翰。子京點頭曰也。自不惡。乃閣筆掩  
卷。起索酒飲之。幾達晨。明日對賓客自言其事。  
後每讌集。必以此以爲笑。

老婢巧擬宣武

桓宣武自以容姿風氣是司馬宣王劉越石之  
儔。有以比于大將軍者。意甚不平。及北伐還於  
隆中。得一巧作老婢。乃越石故妓也。見桓便潛

然而泣。桓問其故。答曰。公甚似劉司空。桓大悅。  
出外整理衣冠。又呼問此婢。婢云。面甚似。恨薄。  
眼甚似。恨小。鬚甚似。恨赤。形甚似。恨短。聲甚似。  
恨雌。桓於是褫衣解帶。昏然而臥。不怡者數日。

周翰精敏

孫周翰自幼精敏。其父穆之携以見郡侯。時賞  
春作會。侯與座客簪花。侯因命周翰曰。口吹楊  
柳成新曲。翰曰。頭帶花枝學後生。侯笑曰。何遽



便戲老夫

盛度撰碑

石中立在中書。時盛度禁林當直。撰張文節公知曰神道碑。進御罷。呈中書。石急問曰。是誰撰。盛卒對曰。度撰。對訖。方悟。滿堂大笑。

趙伯翁孫兒

趙伯翁肥大。夏日醉臥。孫兒緣其肚上。戲以李八九枚內臍中。至後日。李大爛潰。翁乃泣謂家人曰。我腸爛將死。明日。李核出。乃知孫兒所納李子也。

荆公嘲湖陰先生

楊德建號湖陰先生。丹陽陳輔。浙西佳士也。每清明過金陵上塚畢。卽過先生之居。清談終日。率以爲常。元豐辛酉癸亥。頻歲訪之。不遇。題一絕于門云。北山松粉未飄花。白下風輕日脚斜。身是舊時王謝燕。一年一度到君家。湖陰歸見

其詩吟賞久之。曾稱於荆公。公笑曰：此正戲君。爲尋常百姓耳。湖陰亦大笑。

### 胡昉浙漕

胡昉大言誇誕。當國者以爲天下奇才。力加薦引。未數年爲兩浙漕。一日語坐客云：朝廷官爵。是買吾曹頭顱。豈不可畏。適聞人伯卿在座末。趨前云：也買脫空。衆大笑。

### 漢有三牲

漢有牛。通爲隴西王簿。馬文淵爲太守。羊喜爲功曹。涼部云：三牲備身。

### 許嘲林隱

林和靖號隱士。傲許洞。許嘲之云：寺裏掇齋饑。老鼠林間咳嗽。老獼猴豪民送物。鸞伸頸好客。臨門驚縮頭。

### 天怕老婆

尚書星有好風。星有好雨。古注云：箕星東方宿。

也。東木克北土。以上爲妻。土好雨。故箕星從妻。所好而多雨也。畢。西方宿也。西金克東木。以木爲妻。木好風。故畢星從妻。所好而多風也。由此推之。則北宮好燠。南宮好暘。中央四季好寒。皆以所克爲妻。而從妻所好也。予一日偶述此義。座有善詭者。應聲曰。天上星宿亦怕老婆乎。滿堂爲哄然一笑。

楊伯子東像歸山

楊伯子爲潮州守。治聲赫然。爲三輔冠。士民相與肖像祠于學宮。與工部尚書戴少望並祠。伯子意不悅。會除浙東庾節。將行辭先聖禮畢。與諸生坐于講堂。命取所祠像來。題詩其上云。面有憂民色。天知報國心。三年風月少。兩鬢雪霜侵。更莫留形迹。何須問古今。不如隨我去。相伴老山林。遂卷藏而行。時有戲綴其尾云。可憐戴工部。獨樹不成林。

裴贇侍女詩

裴慶餘佐李北門爲淮南幕嘗同遊船舟師悞以船篙水濺侍女衣上李怒裴請以詩曰滿額驚黃金縷衣翠翹浮動玉釵垂從教水濺羅裙濕知道巫山雲雨歸李笑而赦之

苗振倒紉

苗振第四人及第召試館職晏丞相語曰宜稍溫習苗曰豈有三十年作老娘而倒紉孩兒者乎既試不中選晏笑曰苗君竟倒紉孩兒矣

侯白潛探使情

陳嘗令人聘隋不知其使機辨深淺乃密令侯白變形貌著故敝衣爲賤人供奉客謂是微賤甚輕之乃傍臥放氣與之言白心不平問白曰汝國馬價貴賤白云馬有數等若從伎倆筋脚好形容不惡堪得乘騎者直二十千已上若形容粗壯雖無伎倆堪馱物直四五千已上若滿

尾燥蹄絕無伎倆。傍臥放氣。一錢不直。使者大驚。問其姓名。知是侯白。方始愧謝。

### 鬻體受虧

呂與叔言長安有安氏家藏唐明皇鬻體作紫色。其家事之甚謹。因爾家富達。遂爲盛族。後其家析居。爭鬻體。各爲數片。張文潛聞之。戲語曰。明皇生死爲姓。安人極惱。合坐大笑。

### 十一卷終

## 爽心笑談下集卷之十二

陳眉公先生笑選輯

一衲道人屠隆參閱

### 揚州司馬哭姊

李文禮累遷至揚州司馬。質性急躁。時在揚州。有吏自京還。得長史家書。云姊亡。請擇日發之。李忽聞姊亡。乃大號慟。吏復白曰。是長史姊。李久而徐問曰。是長史姊。耶。吏曰。是李曰。我無姊。

向亦怪矣。

### 笑矜門第

唐有姓方人好矜門第。但有姓方爲官。必認云親屬。知識疾其如此。乃謂之曰。豐邑方相。是君何親。曰。是某再從伯父。問者笑曰。君旣方相。侄兒只堪嚇鬼。豐邑坊造賣凶器所也。

### 櫻桃詩不成韻

安祿山叛。史思明繼逆。至東都。遇櫻桃熟。其子

在河北。欲寄遺之。因作詩同去。詩云。櫻桃一籠子。半赤半已黃。一半與懷王。一半與周至。詩成皆贊美之。曰。明公此詩大佳。若能言一半周至。一半懷王。卽與黃字聲律稍穩。思明大怒曰。我兒豈可居周至之下。至卽其子傳也。

### 郝隆富腹

郝隆七月七日仰臥。人問其故。答曰。我曬書。

### 老嫗捷口

劉道真于河側自牽船。見一老嫗採柁。劉調之曰。女子何不調機利。杼而採柁。嫗荅曰。丈夫何不跨馬揮鞭而牽船。

### 顯微異饌

嘉興林叔大爲江浙行省掾。貪墨鄙吝。頗交名流。以沽美譽。其於達官顯宦。則品饌甚豐。若高人勝士。不過素湯餅而已。一日延黃子久作畫。多士畢集。復以此供客。諸人不能堪。譏訕大作。

叔大赧甚。得潘子素求題其畫。子素援筆書一絕句云。阿翁作畫如說法。信手拈來種種佳。好水好山塗抹盡。阿婆臉上不曾搽。子久笑語曰。好水好山。謂達官顯宦。阿婆臉不搽。言素面也。言未已。子素復加一句云。諸佛菩薩摩訶薩。俱不解其意。子素曰。此卽僧家懺悔。閩堂大笑而散。叔大數日不見客。

### 王鐸事急

唐中書令王鐸爲都統以禦黃巢携姬妾赴鎮而妻茹忌忽報夫人離京在道鐸謂從事曰黃巢漸以南來夫人又自北至旦夕情味何以安處

### 馭者罵相

則天朝宰相楊再思晨入朝值一重車將牽出西門道滑牛不前馭者罵曰一羣癡宰相不能和得陰陽而令我匯行如此辛苦再思徐謂之

曰爾牛亦自弱不得嗔他宰相

### 女奴却要

李庚女奴名却要美容止善辭令李有四子長延禧次延範延祚延祐所謂大郎二郎三郎五郎也咸欲蒸之而不得嘗遇清明之夜大郎遇之于櫻桃花影中乃持之求偶却要取茵席授之曰可于廳中東南隅停待又遇二郎謂之曰可于廳中東北隅相待又逢三郎束之曰可于



廳中西南隅相待。又遇五郎握手不可解。曰可于廳中西北隅相待。四郎皆持所授茵席各起。一隅頃却要燃炬豁扉。照之曰阿堵貧兒爭敢向這裡覓宿處。四子各并所携掩面而走。

### 李女可愛

桓司馬溫以李勢女爲妾。南郡主拔刀率婢數十。往李所欲欣之。見李在牕前梳頭髮垂委地。姿貌絕麗。徐乃結髮歛手。向主曰國破家亡無心以至今日。若能見殺猶生之年。神色閑王辭旨悽惋。主乃擲刀抱之曰。我見猶憐。何況老奴不能作無麵餅。

吳景初請一僧住院。僧辭以窮陋不可爲。景初曰。高才固易耳。僧曰。巧婦安能作無麵湯餅乎。景初曰。有麵則拙婦亦辦矣。僧慙而退。

### 韓浦兄弟

韓浦韓洎皆有文辭。洎嘗輕浦。語人曰。吾兄爲

文譬如繩樞草舍。聊蔽風雨。予之爲文。是造五鳳樓手。浦聞之。因親知寄局。賡題詩贈。洎曰。老兄得此。全無用。助爾添修五鳳樓。

崔以戲動李夫人

崔鉉之在淮南。嘗俾樂工習其家僮以諸戲。一日其樂工告以成就。且試焉。鉉命演于堂下。與妻李氏坐觀之。崔以李氏妒忌。卽以數僮衣頰人衣。曰。妻曰。妾列于旁側。一僮則執簡束帶。旋

嗷諾其間。張樂命酒。笑語不能無屬意者。李氏未之悟也。久之。戲愈甚。悉類李氏平昔所爲。李氏雖少悟。以其戲偶合。私謂不敢。然且觀之。僮志在于發悟。愈益戲之。李果怒罵之曰。奴敢無禮。吾何嘗如此。僮指之。且叱曰。咄咄。赤眼作而白。眼諱乎。鉉大笑。幾至絕倒。

范寺丞妻

撫州監酒范寺丞者。妻色美而妬。范寵憚之同

宮每休暇。招妓燕集。皆不得預。一夕范輪次直宿。會有告宿釀者。范晨率吏卒。徑往搜捕。其同事李供奉者。素知范妻之妬。戲取妓鞋。密置范臥具中。須臾務吏携衾褥歸。妻展衾得鞋。神色沮喪。詰所從來。吏言不知。於是泣怨良久。拊心而呼曰。天乎。有是邪。乃入室闔戶而寢。頃之范還排戶入。則自經死矣。

### 李嘲陳越席

蔡君謨守福唐。會李太白與陳烈于望海亭。以歌者侑酒。方舉板一。拍。陳驚怖。越席攀木踰垣而去。李作詩曰。山鳥不知紅粉落。一聲檀板便驚飛。

### 党進怒咄畫工

党進命畫工寫真。寫成大怒。詰畫師云。我前時見畫大虫。猶用金箔貼眼。我消不得一對金眼睛。

江南驛吏

江南一驛吏。以幹事自任。典郡者初至。吏曰。驛中已理。請一閱之。刺史往視。初見一室。署云酒庫。諸醞畢熟。其外畫一神。刺史問是誰。言是杜康。刺史曰。公有餘也。又一室。署云茶庫。諸茗畢貯。復有一神。問是誰。云是陸鴻漸。刺史益善之。又一室。署云菹庫。諸菹畢備。亦有一神。問是誰。吏曰。蔡伯喈。刺史大笑曰。不必置此。

鬻餅不聞歌

劉伯芻侍郎所居巷。日有鬻餅者。早過戶。必聞謳歌。當墟召與萬錢。令多其本。曰。取胡餅償之。後過其戶。寂不聞聲。呼問曰。何輟歌之速乎。曰。本領既大。心計轉粗。不暇唱渭城矣。

北方相禮

北方民家。吉凶輒有相禮者。謂之白席。多鄙俚可笑。韓魏公自樞密歸鄴。赴一姻家。禮席。偶盤

中有荔枝欲啗之。白席者遽唱言曰：資政喫荔枝請眾客同喫荔枝。魏公憎其喋喋，因置不復喫。白席者又云：資政惡發也，却請眾客放下荔枝。

### 賈待詔侍太宗碁

宋太宗時待詔賈玄者，嘗侍上碁。太宗饒玄三子，嘗輸一路。太宗知玄詐，不盡其藝也。乃謂曰：此局出復輸，我當榜汝。既而滿局不生不死。太宗曰：亦詐也。更一局，汝勝，賜汝緋。不則投汝于水中。局既平，不勝不負。太宗曰：我饒汝子而局平，是不勝也。命左右投之水中，乃呼曰：臣握中尚有一子。帝大笑，賜以緋衣。

### 新郎阿婆

薛逢晚年厄于宦途，策羸馬赴朝。值新進士綴行而出，團司所由數十人見逢，行李蕭然，前導曰：回避新郎君。逢遣介語曰：莫貧相。阿婆三五

年時也。曾東塗西抹來。

### 梁灝及第謝表

梁灝年八十二。狀元及第。謝啓曰。白首窮經。少伏生之八。歲青雲得路。多太公之二年。

### 元章顛索右軍帖

米元章在真州嘗謁蔡攸於舟中。攸出右軍王畧帖示之。元章驚歎。求以他書易之。攸有難色。元章曰。若不見從。某卽投此江死矣。因大呼據船。船欲墮。攸遂與之。乃喜。

### 延之慙儂

何偃路值顏延之。遙呼曰。顏公。延之以其輕脫。荅曰。身非三公之公。又非田舍之公。又非君家阿公。何以見呼爲公。偃慙而退。

### 捧硯監簿

石曼卿一日語僧秘演曰。館俸清薄。恨不得痛飲。演曰。非久當引一酒。主人奉謁。不數日。引一

納粟牛監簿來。以宮醪十擔爲贄。列醞於庭。演爲傳刺。曼卿愕然延之。乃問甲第何許。生曰。一別舍介繁臺之側。曼卿閉語。演曰。繁臺寺閣虛爽可愛。久不一登。其生日。學士與太師果欲登閣。當具酒歛迎候。曼卿因許之。一日休沐。約演同登。演預戒生。生果陳具于閣。器皿肴核冠於都下。石演高歌褫帶。飲至落景。曼卿醉喜曰。此遊可紀。乃以盆盪墨濡巨筆。題云。石延年曼卿同空門詩友老演登此。生拜叩曰。塵賤之人。幸獲陪侍。乞掛一名以光賤迹。曼卿大醉。握筆沈慮。目演佯聲諷曰。大武生捧硯用事可也。演以爲言。竟題云。牛某捧硯。永叔後以詩戲曰。捧硯得金牛。

### 女壻姨夫

歐陽修與王拱辰同爲薛簡肅公壻。歐先娶長女。王娶其次。後歐公夫人故。再娶其妹。人戲曰。

舊女壻爲新女壻。大姨夫作小姨夫。

張司錄夜殺猪

張端爲河南司錄府。當祭社。買猪已呈尹。其夜突入錄廳。端卽令殺之。吏以白尹。尹問端對曰。按律。諸無故夜入人家。主人登時殺之。勿論。尹大笑。爲別市猪。

觀畫減疾

劉瑱妹爲鄱陽王妃。性極妬。王爲明帝所誅。妃追傷成疾。瑱不能止。乃令陳郡殷倩畫鄱陽王與寵妃照鏡。狀如欲偶寢。以示妃。妃唾罵曰。故宜耳。死于是病亦除差。

阮簡圍棋

阮簡爲開封尹。有劫賊。吏白曰甚急。簡方客圍棋。長嘯。吏曰劫急。簡曰局上劫亦甚急。

姊弟雙寵

符堅初滅燕。慕容冲姊清河公主。年十四有殊



色。堅納之。寵冠後宮。冲年十二。亦有龍陽之姿。堅又幸之。姊弟專寵。宮人莫進。長安歌曰。一雌復一雄。雙飛入紫宮。咸懼爲亂。王猛切諫。堅乃出冲。後冲進逼長安。堅遺之錦袍曰。朕於卿恩分如何。而於一朝忽爲此變。

伯益希孟題贊

陳伯益面黑而狹。多髯。希孟見寫真。掛壁下。戲題云。伯益之面大無兩指。髭髯不仁。侵擾乎。其

旁而不已。于是乎。伯益之面所餘無幾。希孟避寧宗諱。改名直。字古民。伯益咏其名曰。炊餅担頭挑。取去白衣舖。上喝將來。伯益又寫一真。衣皂道服。躡僧鞵。希孟贊之曰。禪鞵俗人鬚。道服儒巾面皮秋。水長天一色。落霞孤鶩齊飛。聞者笑倒。

死生無覓

程師孟嘗請于王介甫曰。公文章命世。其幸與

公同時願得公為墓誌庶傳不朽。惟公矜許。王問先正何官。程曰非也。某恐不得常侍左右。欲預求墓誌。俟死而刻之耳。又王雱死。有張安國被髮藉草。哭于柩前曰。公不幸未有子。今郡君妊娠。某願死。并生為公嗣。京師嘲曰。程師孟生。求速死。張安國死。願托生。

荅須古玩

江夏王義恭性愛古物。常遍就朝求之。侍中何勗已有所送。而王徵索不已。何意不平。常出行于道中。見狗枷。敗犢鼻。乃命左右取之。還以箱箠送之。箠云。承復須古玩。今奉李斯狗枷。相如犢鼻。

道民黥面

施道民為孫威敏所黥。既而復得為民。借小字軍人。肩輿而出。曾子固見之曰。好一隻夾註。轎子。

宋人戲破

宋末人戲作破題古曲題云。看看月上蒲萄架。那人應是不來也。最苦是一雙鳳枕。閒在繡緯下。破云。時至人未至。君子不能無疑心。物偶人未偶。君子不能無感心。吳歌題云。月子彎彎照幾州。幾家歡樂幾家愁。幾家夫婦同羅帳。幾家漂散在他州。破云。運於上者無遠近之殊。形於下者有悲歡之異。小山題云。媽媽只要光光鏡人之樂。

年少戲責

乾道中。衆客赴郡宴。伎樂甚盛。一年少勇于見色。甫就席。中一客以服辭。乃命徹樂。勸酬次年。少責此人曰。敗一席之歡者爾也。真所謂不自

殞滅禍延過客者耶。賓王爲之哄堂。

程尹識字未穩

程覃乃文簡公之子。尹京日有治聲。唯不甚知字。嘗有道民投詞牒乞執狀。造橋覃大書昭執二字。斯人見其誤。遂白之。合是照執。今是昭執。乃漏四點爾。覃取筆。忽於執字下加四點。乃爲昭執。庠舍諸生作傳以譏之。

曹東畝慰足詞

曹東畝赴省。陸行良苦。作詞自慰其足云。春闈期近也。望帝鄉迢迢。猶在天際。懊恨這一雙脚底。一日。廝趕上五六十里。爭氣扶持我。去博得一官歸。恁時賞你穿對朝靴。安排你在轎兒裏。更選弓鞋。夜間伴你。

關漢卿得還王諫

大名王和卿滑稽挑達。傳播四方。中統初。燕市有一蝴蝶。其大異常。王賦醉中天小令云。拚破

莊周夢兩翅。駕東風。三百處名園。一采一箇空。  
難道風流種。說殺尋芳蜜蜂。輕輕的飛動。賣花  
人。搨過墻東。由是其名益著。時有關漢卿者。亦  
高才風流人也。王常以譏諛加之。關雖極意還  
答。終不能勝。王忽坐逝。而鼻垂雙涕。尺餘。人皆  
歎駭。關來吊唁。詢其由。或對云。此釋家所謂坐  
化也。復問鼻懸何物。又對云。此玉筋也。關云。我  
道你不識。不是玉筋。是鼻。咸發一笑。或戲關云。

你被和卿輕侮。半世死後。方纔還得。一籌。凡六  
畜勞傷。則鼻中常流膿水。謂之鼻。又慣愛許人  
之短者。謂之鼻。故云爾。

羅隱嘲妓詩

羅隱與鍾陵妓雲英有舊。妓一日譏隱未第。隱  
嘲以詩曰。鍾  
我未成。走不如人。

謝敷

者以隱

人憂之。俄

是求死不得。

喜不識字

梅詢為翰林學士。一日書詔頗多。屬思甚苦。操觚循階而行。忽見一老卒臥於日中。欠伸甚適。梅忽嘆曰。暢哉。徐問之曰。汝識字乎。曰不識字。

梅曰。更快活也。

舉世皆濁

李涉過九江。遇盜問何人。從者曰。李博士也。其豪首云。若是李博士。不用剽奪。久聞詩名。願題一篇足矣。涉贈一絕曰。春雨瀟瀟江上村。綠林豪客夜知聞。相逢不用相迴避。世上如今半是君。

張觸僧怒

傲。一名處士星。識

一戴逵。名重于敷。時

士子嘲云。吳中高士便

張逸密學知成都。僧文鑒求見。時妻陽簿張唐輔同在客次。唐輔欲搔首。方脫烏巾。睥睨文鑒。置於其首。文鑒大怒。訴於張公。公問其故。唐輔曰。某方頭痒。取下幞頭。無處頓放。見太師頭。閑。遂權頓。少時不意其怒。

### 嘲附會姓氏

令狐綯入相。自以之。少族人。有投者不吝。通族。由是遠近趨之。至有姓胡冒令者。溫庭筠戲

為詞曰。自從元老登庸後。天下諸胡悉帶令。

### 鍾毓鍾會

鍾毓鍾會小時。值父繇晝寢。因共偷服藥酒。其父假寐以觀之。毓拜而後飲。會飲而不拜。既而問毓何以拜。毓曰。飲以成禮。不得不拜。又問會何以不拜。會曰。偷本非禮。所以不拜。

### 相傳小號

吳人多謂梅子為曹公。以其嘗望梅止渴也。又

謂鴛鴦爲右軍。有一士人遺人醋梅與燻鴛。作書云醋浸曹公一鼈湯燻右軍兩脚。聊備一饌。

### 畏饅餒

讀書而不應舉則已矣。讀書而應舉而均登科。登科而仕。仕而以進取。苟不違道與義。皆無不可也。而世有一種人。旣仕而得祿。反嚶嚶然以不仕爲高。若欲棄之。此豈其情也哉。故其經營有甚於欲仕。或不得聞而入。或故爲小辜以去。

因以遲留。往往遂竊名以得美官。不辭世終不寤也。有言窮書生不識饅頭計。無從得。一日見市肆有列而鬻者。輒大呼什地。主人驚問曰。吾畏饅頭。主人曰。安有此理。乃設饅頭百許枚。空室閉之。徐伺于外。寂不聞聲。穴壁窺之。則以手搏撮食者過半矣。亟開門詰其然。曰。吾見此忽自不畏。主人知其給。怒而叱曰。若尚有畏乎。曰。尚有畏。臘茶兩碗爾。此豈求不仕者耶。



劉將軍不識鳳毛

謝超宗與右衛將軍劉道隆同朝。武帝稱謝殊有鳳毛。劉出候謝曰：聞君有異物，欲覓一見。謝曰：懸罄之室，何得異物耶？劉曰：方侍至尊，說君有鳳毛。謝含笑還內。劉謂檢覓鳳毛，待久而去。

十二卷終

爽心笑談下集卷之十三

陳眉公先生笑選輯

一衲道人屠隆參閱

微諷關雎

謝安夫人劉性忌，不令公有別房。公欲立妓接，兄子外甥輩微達此旨，共向劉稱關雎。螽斯有不忌之德，夫人知以諷已，乃問誰撰此詩。衆云：是周公。夫人曰：周公是男子相為耳，若使周婆

撰詩當無此言。

### 公榮疎放

劉公榮與人飲酒。雜穢非類人。或譏之。答曰。勝公榮者。不可不與飲。不如公榮者。亦不可不與飲。是公榮輩者。又不可不與飲。故終日共飲而醉。

### 李勣戲左司郎中臀

封道弘。左司郎中。身大而臀濶。李勣戲曰。封公汝臀坐得。即休。何須爾許大。

### 娥秀妓聰慧過人

曹娥秀。京師名妓也。賦性聰慧。色藝具絕。一日鮮于伯機開宴。座客皆名士。鮮于因事入內。命曹行酒。適遍。公出自內。曹曰。伯機未飲。客笑曰。汝以伯機相呼。可爲親愛之。至鮮于佯怒曰。小鬼頭敢如此無禮。曹曰。我呼伯機。便不可。却只許爾叫王羲之也。一座大笑。

鄭昌圖苦騎驢

鄭昌圖肥偉。咸通中登第時以進士服用僭侈。不許乘馬。皆跨長耳。或嘲之曰。今年勅下盡騎驢。短轡長鞅滿路衢。清瘦兒郎猶自可就中愁。殺鄭昌圖。

王周二丞相嘲語

丞相王導枕周伯仁。諱膝指其腹曰。卿此中何所有。周曰。此中空洞無物。然容卿輩數百人。

楊夫人送行詩

楊僕善詩。真宗召對。自言不能。上怪之。問行時亦有人作詩送卿否。楊曰。獨臣妻有詩一首云。更休落魄貪杯酒。亦莫猖狂愛作詩。今日捉將官府去。這回斷送老頭皮。上大笑放還。

尚書小字

張尚書小字鐵牛。李濤嘗戲之曰。每至海源。卽可靈德。

賈盧隱嘲

賈黃中爲相盧多遜作參一日府畿有蝗虫盧笑曰某聞所有乃假蝗虫曾應聲曰亦聞不傷稼但盧多損耳。

方張確對

方千里一日會張更生方作一令戲曰古人是劉更生今人是張更生手內執一卷金剛經問爾是胎生卵生濕生化生張答曰古人是馬千里今人是方千里手執一卷刑法志問爾是五千里三千里一千里。

滄浪捷口

潘滄浪者滑稽坐有一人扣客姓字客曰僕姓陸字伯陽潘笑曰齊景公有馬千駟民無得而稱焉六百羊直甚身。

粟監爲判

景泰中一粟監不學判蘇州誤寫石人爲仲翁。

滑稽者嘲之曰。翁仲將來作仲翁。只因書讀欠。夫工馬金堂玉如何。入只好州蘇作判通。

### 杜邠布袋

杜邠飲食洪博。既飽即寢。人諫非攝生之理。邠曰。君不見布袋盛米耶。放倒即慢。

### 索飲被嘲

李覲字泰伯賢而有文章。素不喜佛。不喜孟子。好飲酒。一日有達官送酒數斗。泰伯家釀亦熟。

士人知其富有酒然無計得飲。乃作詩數首罵孟子。其一云。完廩捐階未可知。孟軻深信亦還痴。嶽翁方且爲天子。女壻如何弟殺之。李見詩大喜。留連數日。所與談莫非罵孟子也。無何酒盡乃辭去。既而聞又有寄酒者。士人再往作仁義正論三篇。大率皆詆釋氏。李覽之笑云。公文采甚奇。但前次被公吃了酒。後極索實。今次不敢留。上此酒以遣懷。聞者大笑。

硬妓

北都有妓女。美色而舉止生梗。土人謂之生張。八因府會。乞詩于處士魏野。野贈之詩曰。君爲北道生。張八我是西州熟。魏三莫怪尊前無笑語。半生半熟未相諳。座中大噱。

豪逸進士

郭震任介。皆豪逸進士。一日郭折簡召任食。鼎飯任往。乃設白飯一盂。白蘿蔔一碟。白鹽一碟。

蓋以三白爲鼎也。後數日。任復召郭食。羸飯。郭意必有毛物相戲。比至。並不設食。郭曰。何也。任曰。飯也。毛蘿蔔也。毛鹽也。毛只此。便是羸飯。大噱而別。毛去声。俗呼無曰毛。

妻有三畏

裴談爲御史大夫。素奉釋氏。妻悍。如談謂妻有可畏者三。少妙之時。視之如生菩薩。安有人不畏。生菩薩耶。及男女滿前。視之如九子魔母。安

有人不畏子魔母耶及五十六千薄施救粉  
或青或黑視之如鳩盤茶安有人不畏鳩盤茶  
耶

卿卿始自安豐婦

王安豐婦常卿安豐安豐曰婦人卿婿於禮爲  
不敬後勿復爾婦曰親卿愛卿是以卿卿我不  
卿卿誰當卿上王笑聽之

孫放佳兒

庾爰客詣孫盛

字安國

見齊莊

諱

在外尚幼而有

神意庾試之曰孫安國何在放曰庾雅恭

爰客字

諱翼

家爰客笑曰諸孫太盛有如此兒放曰未若

諸庾翼上既而語人曰我故得重呼奴父也

邊孝先警門人

邊韶字孝先陳留浚儀人也以文學知名教授  
數百人韶口辯曾晝日假臥弟子私嘲之曰邊  
孝先腹便便懶讀書但欲眠韶潛聞之應時對

曰邊爲姓。孝爲字。腹便便。五經笥。但欲眠。思經事。寐與周公通夢。靜與孔子同意。師而可嘲。出何典。記嘲者大慙。

張憑祖孫善謔

張憑年數歲。極聰敏。其祖蒼梧。語憑。父曰。我不如汝。憑父未解。所以蒼梧曰。汝有佳兒。憑歛手曰。阿翁詎宜以子戲父。

太平宰相

康定中西戎寇邊。王師失律。當國一相以老得謝。親知就第爲賀。飲酣自矜曰。某一山民耳。遭時得君。告老干家。當天下一事之辰。可謂太平幸民也。石中立曰。只有陝西一夥竊盜未獲。日者自力。

趙王李德誠鎮江西。有日者自稱世人貴賤一見輒分。王使女妓數人與其妻滕國君同妝梳。服飾偕立庭中。請辨良賤。客俯躬而進曰。國君



頭上有黃雲。羣妓不覺皆仰首。日者曰。此是國君也。王悅而遣之。

### 賓主捷對

虞集未遇時。爲許衡門客。虞有所私。午後輒出館。許每往不遇。病之。因書于簡云。夜上出遊。知虞公之不可諫。虞回。卽對云。時時來擾。何許子之不憚煩。

### 陳蔡互諱

陳亞滑稽。一日蔡襄戲題曰。陳亞有心。終是惡。陳卽應聲曰。蔡襄無口。便成衰。

### 褚歸以破見擯

褚歸應治平中省試。有大舜善與人同賦。破領云。道雖貫于萬世。善猶同于衆人。卒見黜。心甚不平。一友戲慰曰。公以尿確對油筒。宜見黜落。

### 村學傳誤

曹元寵題村學堂圖云。此老方捫虱。衆雛爭附。

火想當訓誨間。都都平。丈我語雖可笑。而曲盡社師之狀。杭諺言社師讀論語。郁郁乎文哉。訛爲都都平。丈我委巷之言。習而不悟。一日宿儒到社中。爲正其訛。學童皆駭散。時人爲之語云。都都平。丈我學生滿堂坐。郁郁乎文哉。學生都不來。曹詩蓋取此也。

### 石動筭機辨

北齊高祖嘗宴近臣爲樂。高祖曰。我與汝等作

謎。可共射之。卒律葛答。諸人皆射不得。或云是甌子。箭高祖曰。非也。石動筭云。臣已射得。高祖曰。是何物動筭。對曰。是煎餅。高祖笑。動筭曰。射者是也。高祖又曰。汝等諸人爲我作一謎。我爲汝射之。諸人未作。動筭爲謎。復云。卒律葛答。高祖射不得。問曰。此是何物。答曰。是煎餅。高祖曰。我始作之。何因更作。動筭曰。承大家熱鑊子。更作一箇。高祖大笑。高祖嘗命人讀文選。有郭璞

遊仙詩。嗟嘆稱善。諸學士皆云。此詩極工。誠如  
聖旨。動箏卽起。云。此詩有何能。若命臣作。卽勝  
伊一倍。高祖不悅。良久語云。汝是何人。自言作  
詩勝郭璞一倍。豈不合死。動箏卽云。大家卽命  
臣作。若不勝一倍。甘心合死。卽令作之。動箏曰。  
郭璞遊仙詩云。青溪千餘仞。中有一道士。臣作  
云。青溪二千仞。中有兩道士。豈不勝伊一倍。高  
祖始大笑。又嘗於國學中看博士孔子弟子。達

者七十二人。動箏因問曰。達者七十二人。幾人  
已着冠。幾人未着冠。博士曰。經傳無文。動箏曰。  
先生讀書。豈合不解。孔子弟子。已着冠有三十  
人。未着冠有四十二人。博士曰。據何文以辨之。  
曰。論語云。冠者五六人。五六。三十人也。童子六  
七人。六七。四十二也。豈非七十二人。坐中皆爲  
大悅。博士無以復之。

侯白令令宰狗吠

侯白初未知名。在本邑。令宰初至。白卽謁。謂知  
識曰。白能令明府作狗吠。曰。何有。明府得遣作  
狗吠。誠如言。我輩輸一會飲食。若妄君當輸於  
是。入謁。知識俱門外伺之。令曰。君何須得重來  
相見。白曰。公初至。民間有不便事。望諮公。公未  
到前。甚多盜賊。請命各家養狗。令吠自驚。庶賊  
盜止息。令曰。若然。我家亦須養能吠之狗。若爲  
可得。白曰。家中新有一羣犬。其吠聲與餘狗不  
同。曰。其聲如何。荅曰。其吠聲。怗怗者。令曰。君全  
不識好狗吠聲。好狗吠聲。當作。號號。怗怗。聲者。  
全不是能吠之狗。伺者聞之。莫不掩口而笑。白  
知得勝。乃云。若覓如此能吠者。當出訪之。遂辭  
而出。

戲中榜末

王十朋。正奏名第一。李三錫。副奏名第一。時居  
榜尾者。不樂。或戲之曰。舉頭雖不窺。王十。伸脚。

猶能踏李三。

鴻漸懼內

安鴻漸滑稽而懼內。婦翁死，哭于路。其婦性素嚴，呼入總幕中，詬之曰：「路哭何因無淚？」漸曰：「以帕拭乾。」婦曰：「來日早臨棺，須見淚。」漸自思計窘，來日以寬巾納濕紙于額上，大叩其額而慟慟。罷，其婦又呼入，詬之曰：「淚出于眼，何故額流？」漸對曰：「豈不聞自古云：水出高原。」

成郎中催教詩

成郎中爲省官，貌不揚而多髭，再娶之夕，岳母陋之，曰：「我女如菩薩，乃嫁一麻胡，命成作催教。」詩成，乃搦筆書云：「床兩好，世間無好女。如何得好。」夫高捲珠簾，明點燭，試教菩薩看麻胡。

丁稜筆聲

唐世進士及第，放榜訖，須謁宰相，其導詞荅語一出榜元時。盧肇首冠，有故不至，次乃丁稜稜。

口吃。迨引見致詞。意本言稜等登科。而稜頽然。鞠躬。乃曰。稜等登。稜等登。竟不能發其後語。而罷。翌日。友人戲之曰。聞君善箏。可得聞乎。稜曰。無之。友人曰。昨日聞稜等登。稜等登。豈非箏聲耶。

買履不自信

鄭有買履者。先自度其足。而買之。及至市。得履。乃忘度。急歸之。頃返市。罷。遂不得履。人何日不試。以足曰。寧信度。無自信也。

狄盧相詭

狄仁傑。戲同官郎盧獻曰。足下配馬。乃作驢。獻曰。中勞明公。乃成二犬。傑曰。狄字犬。傍火也。獻曰。犬邊有火。乃是煮熟狗。

盧延讓一生解詩料

盧延讓業詩。二十五舉。方登第。卷中有狐衝官道。過狗觸店門。開之句。租庸調。張濬親見此事。

每稱賞之。又有賤猫臨鼠穴。嚙犬舐魚。姑句為中書令成汭所賞。又有栗爆燒。羶破猫跳觸。昂翻為蜀王建所賞。盧謂人曰。平生投謁公卿。不意得力于猫鼠狗子也。人聞而笑之。

納粟監生

革車言三百兩也買得截然高言大帽也周子總前言草也滿腹包忽朝若遇高曾祖言考也煥乎其有言文章也沒分毫

懼內圖

有某平日懼內。與妻畫一喜神。懸之于壁。一日妻出私。以拳捶之曰。我喫你虧。我喫你虧。偶妻在後見之。喝云。你做甚麼勢。夫即雙跪倒曰。我指這裡畫得像。那裡更畫得巧。

壯健馬

岐山王生。循故事。納粟三千斛。授本州助教。以厚價市駿馬。騎乘每不愜意。醫工李生。故稱壯

健以爲價賤王怪問之李曰默得三千石穀豈非壯健耶

### 死未足恨

葉衡罷相歸一日病問諸客曰某且死所恨未知死後佳否耳一姓金士人曰甚佳葉驚問曰何以知之金曰使死而不佳死者皆逃歸矣滿座皆笑

### 陳子朝妾

吳給事女敏慧後歸名儒陳子朝陳惑一妾遂染風疾一日親戚來問吳指妾曰此風之始也李尚書故人子

周愿知江西鹽鐵好諧謔嘗謁尚書李巽適李有故人子亦來謁落拓不事李公遍問舊別墅及家童有技者圖書有名者悉云賣却李怒責曰卽君未官家貧產業從賣何至書藉古畫破除久之復問曰有一本虞永興手寫尚書在否



其子不敢言實。云暫將典錢。愿忽言曰。此尚書大屯。李問曰。尚書何屯。愿曰。已遭堯典舜典。又被此兒郎典之。李怒。顏大開。

### 焯炫兄弟

隋劉焯與弟炫。並有儒學。俱犯法被禁。縣吏不知其大儒也。咸與之枷。焯曰。終日枷中坐而不見家。炫曰。終日負枷坐而不見婦。

### 方朔大笑

漢武帝對羣臣云。相書云。鼻下人中長一寸。年百歲。東方朔在側大笑。有司奏不敬。方朔免冠云。臣不敢笑陛下。實笑彭祖。面長耳。帝問之。朔曰。彭祖年八百歲。果如陛下言。則彭祖人中長八寸。面長一丈餘矣。帝大笑。

### 李戴仁迂性

李戴仁性迂緩。娶閻氏。年甚少。與之異室。私約曰。有興則見。忽一夕。閻氏扣戶。小豎報云。院君

欲見戴仁遽取百忌曆燈下看之大驚曰今夜  
河魁在房不可行事傳語院君謝到閻氏慙而  
去。

### 妖賊大口

建平四年妖賊王始聚於太山自稱太平皇帝  
號父罔爲太上皇兄休爲征東將軍弟爲征西  
將軍慕容德討擒之有人謂之曰何爲妖妄自  
貽族滅父及兄弟何在始曰太上皇蒙塵在外

征東征西爲亂兵所害如朕今日復何聊賴其  
妻趙氏怒曰君止坐此口以至於死如何猶自  
不革始答曰皇后不達天命自古迄今豈有不  
亡之國哉。

### 盛度胖體

盛度體豐肥一日自殿前趨出宰相在後盛初  
不知忽見卽欲趨避行百餘步乃得直舍隱於  
其中學士石中立見其喘甚問之盛告以故石

曰相公問否。盛曰不問。別去十餘步。乃悟。罵曰：奴乃以我爲牛。

### 張由古之博學

張由古有吏才而無學術。累歷臺省。嘗於衆中嘆班固字孟堅有大才而文章不入選。或謂之曰：兩都賦。燕山銘。並入文選。何爲言無由古曰：此是班孟堅文章。何關班固事。

### 陳東權州事

陳東通判蘇州而權州事。因斷流罪命黥其面曰：特刺配某州牢城。黥畢幕中相與白曰：凡言特者罪不至是。而出於朝廷一時之旨。非有司所得行。東大恐。卽改特刺字爲準條字。再黥之。後有薦東之才於兩府者。右叅政聞之曰：得非權蘇州日於人面上起草者乎。

### 王祚問卜

王祚爲周觀察使致仕。祚居官貴久。奉養奪修。

所不足者。未知年壽耳。一日聞有瞽人善卜。令  
布卦推命。瞽大驚曰。此命推有壽也。祚喜問曰。  
能至七十否。瞽曰。更向上。又曰。可至八九十歲  
否。瞽曰。更向上。又問。可至百歲乎。瞽曰。此命至  
少。亦湏一百三四十歲也。祚大喜曰。其間莫有  
疾病否。瞽曰。並無之。祇是近一百二十歲之年。  
春夏間。微苦臟腑。尋便安愈矣。祚回顧子孫及  
侍立者曰。兒輩。切記。是年且莫教我喫冷湯水。

元發戲荅廣淵

司馬溫公章奏王廣淵乞誅之以謝天下。是時  
滕元發爲起居注。侍立殿陛。旣歸。廣淵就元發  
問。早來司馬君實上殿。乞斬某以謝天下。不知  
聖語如何。元發戲曰。我只聽得聖語云。依卿所  
奏。

爽心笑談下集卷之十四

陳眉公先生笑選輯

一衲道人屠隆叅閱

僧哥

昔一僧在歐陽公坐上見公家小兒有小名僧哥者戲謂公曰公不重佛安得此名公笑曰人家小兒要易長育往往以賤物爲小名如狗羊牛馬之類是也聞者莫不絕倒

畏婦變羊

京邑有士人聶。其婦大如忌於夫。小則罵詈。大必捶打。常以長繩繫夫脚。有喚便牽繩。聶密與巫媪爲計。因婦眠入廁。以繩繫羊。聶緣墻走避。婦覺牽繩而羊至。大驚怪。召問巫。巫曰。娘積惡。先人怪責。故卽君變成羊。若能改悔。乃可祈請。婦因悲號抱羊。慟哭自咎。悔誓巫。乃令七日齋。舉家大小。悉避于室中。祭鬼神。師祝羊還復本。

形聶徐徐還。婦見聶。啼問曰。多日作羊。不乃辛苦耶。聶曰。猶憶噉草不美。腹中痛耳。婦愈悲。哀後復如忌。聶因伏地作羊鳴。婦驚起。徙跣呼先人爲誓。于是不復敢爾。

侯白雅謔

侯白好俳謔。一日楊素與牛弘退朝。白語之曰。日之夕矣。素曰。以我爲牛羊下來耶。

義方妻僧詩消白晝

許義方妻劉氏以端潔自許。義方嘗出經年始歸。語妻曰：獨處無聊，得無與鄰里親戚往還乎？劉曰：自君之出，足未嘗履閩。義方咨嘆不已。又問何以自娛？答曰：惟時作小詩以適情耳。義方欣然索詩觀之。開卷第一篇題云：月夜招鄰僧閒話。

張丞相草書

張丞相好草聖而不工。一日得句，索筆疾書。滿紙龍蛇飛動，使其姪錄之。當波險處，姪罔然而止。執所書問曰：此何字？丞相熟視久之，亦不自識。詎其姪曰：胡不早問，致吾忘之。

曼卿墮馬

石曼卿善戲嘗出遊報寧寺。馭者失控，馬驚。曼卿墮馬，徐着鞭謂馭者曰：賴我是石學士，若瓦學士豈不跌碎乎？

元帝笑洪喬之謝

元帝皇子生。普賜羣臣。殷洪喬謝曰。皇子誕育。普天同慶。臣無勲焉。而猥頒厚賚。帝笑曰。此事豈可使卿有勲邪。

劉伶誑飲

劉伶病酒。渴甚。從婦求酒。婦捐酒毀器。涕泣諫曰。君飲太過。非攝生之道。宜斷之。伶曰。甚善。我不能自禁。唯當祝鬼神。自誓斷之耳。便可具酒。肉。婦曰。敬聞命。供酒肉於神前。請伶祝誓。伶跪而祝曰。天生劉伶。以酒爲名。一飲一斛。五斗解醒。婦人之言。慎不可聽。便飲酒進肉。隗然已醉矣。

袁正辭志在益錢

袁正辭積錢盈室。室中堂有聲如牛。人以其爲妖。勸其散積以攘之。正辭曰。我聞物之有聲。求其同類耳。宜益以錢聲。乃止。

張思光誤謁尚書



張思光欲詣吏部尚書何載誤通尚書劉澄融  
下車入門曰非是至戶外望澄又曰非是既造  
席視澄曰都自非是乃去

婁師德叱庖人

婁師德好諧謔則天朝大禁屠殺師德因使至  
陝庖人進肉師德曰何為有此庖人曰豺咬殺  
羊師德曰豺大解事又進鱠復問之庖人曰豺  
咬殺魚師德大叱之曰智短漢何不道是獾遂

不食

虞嘯父獻青

虞嘯父為孝武侍中帝問曰卿在閣下初不聞  
有獻替虞家富近海謂帝望其貢獻對曰天時  
尚暖蟹魚鰕鮓未可致尋有所獻帝撫掌大笑

正德認水厄為水難

蕭正德初入北侍中元義欲為設茗先問正德  
卿於水厄多少北人謂茗飲為水厄亦云水厄正德初不知答

云下官雖生水鄉立身以來未遭陽侯之難舉  
坐大笑

思光兄弟

張思光與弟寶積俱詣太祖思光於御前放氣  
寶積謝曰臣兄觸忤宸扆上笑而不問須臾食  
至思光排寶積不與同食上曰何不與賢弟共  
食思光曰臣不能與謝氣之口同餐

邵李的對

邵康節赴河南尹李君錫會投壺君錫末箭中  
耳君錫曰偶爾中耳康節曰幾乎敗壺坐客以  
爲的對。

閔氏遠姓

梁何昌寓爲吏部尚書有姓閔求官者昌寓問  
曰君是誰後荅曰子騫後昌寓掩口笑曰遙遙  
華胄

男子麤

諸葛令女庾氏婦既寡誓不復重出此女性甚正必無有登車理恢既許江彪婚乃移家近之誑女云宜徙於是家人一時去獨留女在後比其覺已不復得出江郎暮來女哭誓彌甚江觀其意轉帖乃詐魘良久不寤聲氣轉急女乃呼婢云喚江郎覺江於是躍來就之曰我自是天下男子魘何預卿事而見喚邪女默然而慚情義遂篤

### 艾子四臟

艾子好飲少醒日門人謀曰此未可口舌爭宜以險事怵之一日大飲而噦門人密袖瓊臍置噦中持以示曰凡人具五臟今公因飲而出一臟矣何以生邪艾子熟視曰唐三藏尚活世况四臟乎

### 製餛飩法

喬仲山官吏部郎中好古博雅仍喜諧謔家製

餽餽得法每苦賓朋索食一日於食客前先各置一帖且戒云食畢展卷既而客視乃製造餽餽方法也自後無復索者。

### 巢由進士

郭昱狹中詭僻登進士恥赴常選獻書於宰相趙普自比巢由朝議惡其矯激故久不調後復伺普望塵自陳普笑謂人曰今日甚榮得巢由拜於馬首

### 宋郊弟兄答語

宋郊居政府上元夜在書院內讀周易弟學士宋祁點華燈擁歌妓醉飲達旦翌日郊令人請讓云相公寄語學士聞昨夜燒燈夜燕窮極奢侈不知記得那年上元同在州學喫齋煮飯時否祁答曰却須寄語相公不知那年在州學喫齋煮飯是爲甚的

### 丘浚打和尚

殿中丞丘浚謁釋珊珊殊傲頃之有州將子弟  
來謁珊珊降階接之甚恭丘不能平問曰和尚接  
浚甚傲而接州將子弟乃爾恭耶珊曰接是不  
接不接是接浚勃然起杖珊數下曰和尚莫怪  
打是不打不打是打

李福畏妻腹痛

李福妻裴氏性妬忌福欲私一女奴而未果因  
囑裴之左右曰設夫人沐髮遽來報我既而果

有以沐髮來告者福卽詐言腹痛且召其女奴  
往左右告裴裴以爲信然出髮盆中跣問福旣  
業以疾爲言卽若有不可忍狀裴極憂以藥投  
童溺中進之明日監軍使及將校悉來候問福  
具以事告因曰一事無成固當有分所苦者虛  
咽一甌溺耳聞者大笑

優人諧戲

優人李可及善諧戲嘗因延慶節緇篋講誦畢

次及優倡爲戲。可及褒衣博帶。攝齋升座。稱三教論衡。一人問曰。旣言博通三教。釋迦如來。是何人。對曰。婦人。問者驚曰。何也。曰。金剛經云。跏趺而坐。非婦人。何須夫坐。然後兒坐也。又問。太上老君。何人。曰。亦婦人。問者曰。何也。曰。道德經云。吾所大患。以吾有身。及吾無身。吾有何患。非婦人。何患于有娠乎。又問。文宣王。是何人。曰。亦婦人。問者曰。何也。曰。論語云。沽之哉。沽之哉。我

待賈者也。非婦人。奚待嫁爲。上天悅。厚賜之。

房夫人

房玄齡夫人。至如太宗。令皇后召夫人。告以媵妾之流。今有常制。帝欲有所賜。夫人執心不廻。帝遣酌卮酒。恐之。曰。若然。可飲此醜。夫人一舉便盡。無所留難。帝曰。我尚畏見。何況于玄齡。

令史數驢罪

有御史臺令史。將入室。值裏行御史數人聚立。

門內令史下驢衝過諸御史怒將杖之令史云今日之過實在此驢乞先數之然後受罰御史許諾令史指驢曰汝伎藝可知精神極鈍何物驢畜敢于御史裏行衆笑而止

子瑜以面得驢

諸葛子瑜諱瑾恪父面長似驢孫權大會羣臣使人牽一驢入題其面曰諸葛子瑜時恪在坐請筆益兩字于下曰之驢舉坐歡笑權以驢賜恪

### 劉嫗相嘲

劉道真嘗與一人共索梓草中食見一嫗將兩兒過並青衣劉調之曰青羊將兩羔嫗答曰兩猪共一槽

### 刁韓善詭

刁彝于桓公坐嘲韓博曰君是韓盧後博誤應曰卿是韓盧後桓公笑曰彝以卿姓韓故相調耳他自姓刁那得復是韓盧後博曰明公未之

思耳短尾者則爲刁也一坐稱佳

阮孚機辨

阮孚性機辨。好酒。貌短而禿。周文齊偏所愛重。常于室內置酒十瓶。瓶大一斛。上皆加帽。欲以戲孚。孚入室見。卽驚喜曰。吾兄弟甚無禮。何爲入王家。匡坐相對。宜早還宅。盡持酒去。文帝大笑。

門人還謔文公

揚文公嘗戒門人爲文。宜避俗語。旣而公自作表云。伏惟陛下德邁九皇。門人鄭戩曰。未審何時得賣生菜。公笑而易之。以九皇音類非黃

大小鬚孫

孫莘老從劉貢父乞墨吏。誤送孫巨源。劉讓之。吏曰。皆孫姓。而同爲館職。莫能別。劉曰。何不取其鬚爲別。吏曰。皆鬚。而莫能別。劉曰。旣皆鬚。何不以身之大小爲別。於是館中以莘老爲大鬚。



孫學士巨源爲小髡孫學士

貢父戲馬默

馬默爲臺官嘗彈奏劉貢父輕薄不當置在文館劉曰旣云馬默豈合驢鳴

李彥古謁刺

王僧彥朝奉郎父名師古嘗自呼覲爲墨池鼓爲皮棚人或誤犯輒以他事中之知嶺南郡有李彥古者過郡請謁遂題刺云永州司戶參軍

李墨池皮棚謹祇候叅僧彥大喜示其子弟曰奉人當如此矣

禹玉贈介甫虱頌

王介甫王禹玉同在相府同侍朝見虱自介甫襦領而上直緣其鬚上顧之而笑介甫不自知也朝退禹玉指以告介甫介甫命從者去之禹玉曰未可輕去願獻一言以頌虱之功介甫曰如何禹玉曰屢遊相鬚曾經御覽衆大笑

王雱荅獐鹿

王雱數歲時。客見一獐一鹿同籠。因問何者是。獐何者是。鹿雱實未識。對曰。獐邊是。鹿鹿邊是。獐客大奇之。

傅正無心絕慾

蒲傳正知杭州。有術士請謁。年踰九十而有嬰兒之色。傅正接之。因訪以長年之術。答曰。某術甚簡。惟絕色慾耳。傅正良久曰。若然則壽雖千

歲則益

貢父隱嘲諸帥

劉貢父爲中書舍人。一日朝會。幙次與三衛相隣。時諸帥兩人。出一水晶茶盃。傳玩良久。一帥曰。不知何物所成。瑩潔如此。貢父隔幙戲云。諸公豈不識此。乃多年老冰耳。

兵水同音

侍郎御史

正統中有一侍郎與一都御史同飲。適有犬羆

阜行左右叱之侍郎云休以他在此裡  
御史答云你看他是狗也是狼

許敬宗誕傲

許敬宗性輕傲見人多忘之或病其不聰許曰  
卿自難記若遇何劉沈謝暗中摸索着亦可識  
釀具淫具

蜀先王常因早禁釀酒吏于人家索得釀具欲  
令與釀酒者同罪時簡雍從先王遊見一男子

行道謂先王曰彼人欲行淫何以不縛先王曰  
卿何知雍曰彼有淫具與釀具同先王笑命原  
欲釀

都憲通政寓嘲

侶鍾都憲與強珍通政在南都同飲強自執壺  
勸侶酒曰要你飲四鍾侶急應曰你莫要强斟  
貢父戲嘲决湖

為相大講天下水利一人獻策

百里水以爲田。其利大矣。介甫  
思曰：策固善，決水何他可容？劉貢父適在坐，戲  
曰：自其旁別鑿八百里湖，則可容矣。介甫笑而  
止。

### 園外郎

石中立員外，嘗與同列觀上南園所蓄獅子。主  
者曰：縣官日破肉五斤飼之。同列曰：吾儕反不  
及此獅子。石曰：然吾儕官皆員外郎，敢比園內

### 獅子平衆大笑

#### 文舉巧捷

孔文舉年十歲，隨父到洛。時李元禮有盛名，爲  
司隸校尉，詣門者稱及中表親戚，乃通。文舉至  
門，謂吏曰：我是李府君親，旣通，前坐。李問曰：君  
與僕有何親？對曰：昔先人仲尼與君先人伯陽  
有師資之親，是僕與君奕世爲通好也。李及賓  
客皆笑之。大中大夫陳韞後至，李以



高品嗜酒落魄喜譔嘯人呼爲瞿痴  
偶入邑城遇一縣吏手携海螵吏與瞿素習者  
吏遽呼曰瞿痴自負詩才能頃刻咏海螵一首  
乎瞿卽口占曰海錯何曾數着君也隨盤饌入  
公門千呼萬喚不肯出直待臨時敲窟臀蓋常  
熟市井春間食海螵者必先敲開其尾故用以  
譔也云

卷終

